



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De S. Aldo Eremita, Papiæ In Italia.

[urn:nbn:de:hbz:466:1-72708](#)

dem Regis Edelburg. Utraque cum esset peregrina, præ merito virtutum ejusdem monasterii Brigensis est Abbatissa constituta. *Hæc ille. Ab ipso Anna sanctissimo Rege in Galliam erat missa cum sorore Sethrida, ut ex Henrico Huntindoniensi colligatur, ita lib. 3 historiar. scribente*: Minorem vero filiam suam Edelburgh, et filiam uxoris sue Setrid miserat Rex Anna ad monasterium Bruges ad servendum Domino. Quæ utraque cum esset peregrina, merito virtutum Bregensis *vita religiosa*, Abbatissa effecta est. Tunc siquidem mittebant Nobiles Anglie filias suas erudiendas in Bruge, et in Kala, et in Andilegum monasterio. Misit et Ercembert Bruges filiam suam Erchengotam Christi virginem sanctam et præclaram. Cujus opera virtutum, cuius signa miraculorum ab incolis loci illius usque hodie narrantur.

3 Meminit quoque Sethridæ Nicolaus Harpseldius sec. 7, cap. 17, et Sedridonem vocat: sed quod ejus matrem, Ethelburge novercam facit, haud nobis probatur. Fuit enim S. Heresim S. Heresim, soror S. Hilda, S. Edwini Regis et Martyris neptis, primum alteri viro nupta, eique Sethridam peperit. Eo mortuo, Annae Regi Orienta-

lum Anglorum jungitur, cui S. Sexburgam, S. Etheldredam, S. Ethelburgam, S. Witburgam, Adulphum Regem, et S. Jurminum genuit. Anna vero a Penda Merciorum crudelissimo Rege, anno Christi dcliv interfecit, in Galliam abiit, inque Calensi canobio vita reliquum sanctissime exegit, coliturque xxiii Septemb. S. Hilda xvii Novembr., S. Sexburga vii Juli, S. Etheldreda xxiii Junii, S. Ethelburga vii Juli, S. Witburga xvii Martii, S. Edwinus xii Octob.

4 Cum vero ab ipso Anna Rege; qui an. 654, occubuit, missa sit in Galliam Sethrida, hinc de ejus astate fieri conjectura potest. An ipsa prior cœnobio præfuerit, an Ethelburga, quæ junior erat, non constat. Martyrologium Anglicanum innuit sorori successisse Sethridam: sed fallitur dum hanc quoque Annæ Regis filiam vocat. Claudio Robertus in Gallia Christiana S. Ethelburgam ait S. Pharæ in monasteri regimine successisse, nulla Sethridæ facta mentione: at non recte Regis Orientalium Saxonum illam fuisse filiam tradit. Orientalium Anglorum voluit scribere. Utraque sub S. Pharæ disciplina religiosæ vita tirocinia posuit.

Ex ms.
mater, so-
rores, fratres,

DE S. ALDO ERÈMITA, PAPIÆ IN ITALIA.

X JANUARI.

Ferrarius in catalogo generali Sanctorum isthac scribit, iv Id. Janu. Papiae S. Aldi eremita. Ast in catalogo Sanctorum Italiæ: S. Aldus quando et ubi vixerit, adhuc scire minime potui: ejus corpus Papiae primum in saccello S. Columbani conditum fuit, inde in basilicam S. Michaelis translatum est, ibique natalis ejus celebrari solet. Meminere illius Jacobus Gualla lib. 6, cap. 8. San-

ctuarii, Stephanus Breventanus lib. 3, histor. Ticinensis; qui tamen corpus in cathedrali ecclesia quiescere scribunt; et Arnoldus Wion lib. 3, ligni vitæ in additionibus: ex quo loco, S. Aldum monachum Bobiensem vitam eremiticam in finitimiis locis egisse, conjici potest. *Hæc Ferrarius. De Bobio illustri monasterio agemus xxi Novemb. ad vitam S. Columbani.*

DE B. BENINCASA, ABBATE VIII CAVENSI.

AN. CHR.
MCXIV.
X JANUARII.
Cavense cono-
bium.

Eius sancti
Abbates.

B. Benincasa
natalis,
xv.

Cava civitas est in Campaniæ agrique Picentini confinibus, a situ loci vocata, ut Leander in Campaniæ descriptione, media fere inter Salernum ac Nuceriam. Juxta Cayam antiquissimum amplissimumque et opulentissimum praediis cœnobium est, Cava nominatum. *De hujus fundatione agemus in vita S. Alferii. Coluntur quatuor primi Abbates officiis propriis et Missa. S. Alferius xii April. S. Leo xii Juli, S. Petrus iv Martii, S. Constabilis xvii Februarii.* In aliorum multorum solemnitatibus fit sacram de sanctissima Trinitate, nimurum B. Simeonis quinti Abbatis XVI Novembris, B. Falconis sexti v Junii, B. Marini septimi xv Decembri, B. Benincasæ octavi hoc die, B. Petri II noni XIV Maii, B. Balsami decimi XXIV Novembris, B. Leonardi undecimi XVIII Augusti, etc.

2 B. Benincasa x Januarii natalem consignant Hugo Menardus, Benedictus Dorganius, Arnoldus Wion in Martyrologio monastico, his verbis: In monasterio sanctæ Trinitatis Cave, depositio B. Benincasæ Abbatis, addunt Wion et Dorganius: miraculorum gloria insigne. Electus est illius monasterii Abbas Kalendis Februarii 1171, præfuitque usque ad iv Id. Januarii 1194, quo vita excessit, et in sacra crypta cum ceteris sanctis Patribus conditus est.

Montis rega-
lis in Sicilia
monasterium.

*3 Hic vir beatus ex Cavensi monasterio centum monachos sub Theobaldo Patre in Siciliam destinavit ad famosissimum Montis regalis cœnobium, quod anno Domini 1174, Rex Guilhelmus II, cognomento Bonus, mirifice sumptu constructum, atque dotatum, eidem juxta Cavensis congregationis normam instituendum, ac divino cultui regularique observantiae mancipandum commiserat. Fuitque Theobaldus ipse ejusdem monasteri primus Abbas, ejusque successor Guilhelmus Abbas et Archiepiscopus, aliisque post ipsos aliquot Cavenses monachi ejusdem dignitatis et regiminis successores. *Hæc ad nos Neapolie Cavensis monasteri monumentis Antonius Beattillus noster. Quibus consentanea referit Wion in Notis. De codem Montis regalis cœnobio Fazellus rer. sicular. decade 1, lib. 8, illud inter cetera scribit, omnibus fanis non solum Italia, sed toto etiam terrarum orbe excitatis, eo genere structura præferendum, etc. Agit de codem decade 2, lib. 7, ubi tradit Guilhelmum secundum ejus Abbatem, auctoritate Lucii III, (qui ab an. 1181, ad 25 Novembr. 1183, sedit) Archiepiscopum esse factum. Citat ibidem Fazellus diploma variarum donationum ei monasterio factarum an. 1176.**

DE S. GUILIELMO ERÈMITA, ARCHIEPISCOPO BITURICENSEI.

AN. CHR.
MCXX.
X JANUARII.

S. Guillielmi
natalis.

Non omnium, qui in album relati sunt Sanctorum, inscripta Martyrologio Romano nomina sunt. Guillielmi certe Bituricensis Archiepiscopi ab Honorio III, anno Christi 1218 consecrata canonice memoria est, neandum tamen in publicis Romanæ Ecclesie tabulis consignata, licet id asseral hrysostomus

Henriquez in Menologio Cisterciensi, ubi eum insigniorat elogio. De eo Martyrologium excusum Lubece an. 1475. Bituricas depositio B. Valhelmi Episcopi et Confessoris. Usuardi Martyrologium auctius editum Parisiis an. 1336. Bituricas natalis S. Guillermi ejusdem urbis Archiepiscopi, vita et miraculis gloriosi. Eadem fere habent Martyrologium